

鑄錯堂稿與石居詩草 隋藏珠撰藏珠原名藏朱字松心號亦

亭別號龍淵樂安人道光乙未進士應官建昌知府以軍功保

道員詩文集外著有四書學隅史屑建昌學治錄諸書俱見縣

志吾廬筆談云隋赤亭藏珠與余爲乙未同年英偉非常之士

也守饒州不名一錢以憂去節相曾滌生奇其才奏請奪情君

不應召其詩磊落有奇氣七古太長不錄錄五古二首以見一

斑三婦豔大婦出香閣中婦出朱扉小婦多嬌慣步步牽郎衣

今日去不去明日歸不歸大婦臨高臺中婦酌金杯小婦牽衣

問令我多疑猜君今何處去君去何時來俱饒古意近體亦多

警句五言香界寺云老樹疑僧古時花媚客妍贈袁幼泉給諫

破筆挾風雨高歌驚鬼神贈閻雨帆農部三生無盡藏萬古有

情凝注君自號無盡藏七言山居三十年身成落魄魄一千里路

獨消魂贈石與爾有心同不轉憐君無語也多情贈張檢討三

益證果三千歲羅漢化身十八世文昌無題小語摩挲金約指

春痕搖落玉搔頭鄉思山出雄邊驚勢放天臨窮塞覺春遲又

常惺惺齋隨錄隋赤亭年丈作少年行云殺仇聊報主人恩村

店夜投深閉門怪雨一窗燈燼綠自澆濁酒洗刀痕讀之覺冷

氣逼人

四逸草四卷 田耀祖撰耀祖字勵修樂安人縣志載是集及同

治中邑令彭嘉寅序略云雖不必篇篇全璧而時出新意頗見

性靈五言如風定孤雲峭天低落日圓又如浪定浮魚婢沙溫

上嬾奴七言如手懶翻書倩舌代僮忘翦燭任花開又如半幄

葉落千聲兩四壁蟲吟一口骨皆雋新有味

留餘堂賡稿一卷 王嘉麟撰嘉麟字孚吉費縣人道光乙未進

士應官瑞州知府是編見縣志

雜體文賡二卷雜體詩二卷雜著一卷使粵吟草一卷 丁守存

撰守存有編年自記見史部傳記類諸編見其子麟年會試卷

履歷

晚香堂詩集四卷文集八卷 馬秀儒撰秀儒有芸窗筆記見子

部雜家類集見鄉土志

攀古小廬文一卷 許瀚撰瀚有韓詩外傳勘誤見經部詩類是

編爲秀水高均儒所刊咸豐丁巳山陽丁晏序云其論說文或

體重文深明淺長六書之指融會貫通不爲意必之說論小徐

繫傳通釋自宋尤延之李仁父王伯厚所見已無完本其二十

五卷全闕今本或一一完具覈以鼎臣本及韻會仍係後人補

綴此數語不刊之典先得我心傳不云乎多聞闕疑又云吾猶

及史之闕文也闕本之真不猶愈於完本之僞乎若印林者可

謂實事求是矣至坊識唐子西集強林父序宣和元年與唐先

生同寓京師閣本謂宣和元年唐沒已九年安得同寓強序疑

爲依託印林論強序子西卒於宣和庚子實非依託當據以正

宋史之誤其說至核又論吾鄉張力臣先生瘞鶴銘辨閣本引

顧起元爲顧元慶之誤皆確不可易其它攷異訂譌於吉金貞

石之文鉤稽亦極精審印林邃於小學殫心許書鑽研既久發

掘至多此特虬龍之一鱗片甲耳安得好學如伯平者求其全

稿某版以行余雖不敏猶樂得而盡讀之據本書附錄卷中讀

條皆駁正 四庫提要之誤 丁序所增增補 即續增附錄 所謂開本即 四庫編纂也

攀古小廬詩稿二卷 許瀚撰見吳重憲所撰事略

寄廬吟草 孫孝源撰孝源字子慕號蒼巖淄川人道光乙未舉

人官觀城訓導山左詩彙鈔載是編云子慕性耽山水遇林泉

佳處輒流連不忍去嘗以詩受知於學使吳慈鶴先生同邑王

雪嶠明府稱其泰山觀日出七古一首奇宕可抗諸名作

六一堂文集四卷對山堂詩集一卷 李煥然撰煥然字堯

文號榆村益都人道光乙未舉人二集刊於同治丙寅有印送

本縣志云一時碑銘傳記多出其手晚歲自擇所作爲一編署

曰六一堂集蓋是時年六十一矣詩不多作偶一爲之亦絕去

雕飾自鳴天籟而已

牟子詩鈔四卷宦蜀草六卷 張香海撰香海有詩經典確見經

部詩類府志載此二編云香海極意著述有韻之語不下萬首

此二種其一斑耳亦可以知全豹矣 按香海詩此二種外所

見刊本有棧雲小稟二卷筍輿吟二卷宦豫草一卷錦城吟草

二卷潼江草二卷驛燈小稿二卷聽鶯池館閒詠二卷蓬背吟

二卷其見於馬秀儒宦豫草序者則有啖蔗山館詩鈔二十四

卷慈竹軒詩鈔十二卷見於王敏行棧雲小稿序者則有浣花

詩課十六卷玉局詩課十二卷見於採訪冊者又有白溝詩草

一卷其篇什可謂繁富矣然就所見者論之大抵流易有餘而

精深不足其詩之所以多在此其不盡可傳亦未始不由乎此

也

密崖文集 張香海撰見府志

鑑湖詩草 周澄文撰澄文字練江號鑑湖卽墨人道光乙未舉

人官東平州學正是編見續刊卽墨詩乘

厲照山房草 顏逢祺撰逢祺字眉徵滕縣人諸生有義行縣志

本傳云著銘誄傳記若干篇簡潔精粹曰厲照山房草

茄園詩集 宋佩玉撰佩玉字鳴之號茄園日照人諸生是編見

縣志

塔影山房詩集伊蒿賦草 王文耿撰文耿字熙甫海豐人歲貢

二集見武定詩續鈔

愚泉詩鈔 王允灌撰允灌字子鬯又字愚泉新城人道光丙申

進士官內閣中書慈齋詩話載是編云讀蕭相國世家題淮陰

侯列傳諸篇俱有高識一時稱之 作稿軒詩選一卷

七十二硯齋集七峯山房棄餘草蟲吟小草 吳步韓撰步韓字

錦堂號小巖郟城人道光丙申進士歷官望都知縣改交州教

授諸編見本傳

種德堂未焚草一卷 王紳撰紳字公垂膠州人諸生採訪冊載

是編云王葆崇梓行

面城居詩草一卷 王服芳撰服芳有印旨輯說見子部藝術類

採訪冊載是編云王葆崇梓行

東園逸稿 姬鳳閣撰鳳閣膠州人諸生是編見採訪冊

瘦菊軒藏稿一卷 姬鳳舉撰鳳舉字軒如膠州人是集有徐宗

勉刊本凡七絕十八首晚年作也宗勉跋云談者顧以窮愁淒苦少之此不考其世者耳其自敘不云乎他年有過邨山北麓酌余一杯酒見有迴風旋轉而不去則重泉人髣髴其來謝也吁先生之遇甚窘先生之音則悲矣

青艾集一卷 姬鳳舉撰徐宗勉選刻凡五律十七首宗勉敘云清奇僻苦多未經人道前輩謂方之唐人無慙郊島顧東野閬仙得昌黎而益顯先生乃終老牖下名不出里閭間其幸不幸為何如耶

四癡主人詩鈔一卷 陳際昌撰際昌字世五膠州人諸生是集凡古近體詩三十六首徐宗勉刊宗勉撰小傳云詩隨事命意遇景得情皆工緻沈著有當乎人心
芝田遺稿一卷 王齡芝撰齡之字芝田膠州人諸生是集凡古體詩二十四首詩餘四首徐宗勉輯刊

客邸閒吟一卷 張兆惠撰兆惠有治家格言見子部雜家類是集凡古近體詩二十一首附題畫詩四首徐宗勉刊其序云詩雖不多而真氣所存尙友古人高出時輩急付剞劂以質後之先觀為快者

章每齋七律詩一卷 徐守真撰守真字廬山膠州人諸生詩凡四十四首附詩餘八首其姪宗勉刊趙文運序云晚年設教遼東歿二十餘年其孫本令間關徒步至遼東負骨以歸檢舊篋詩稿無一存者劫火餘燼僅有草每齋試帖四卷及此册

文字禪一卷 釋孚一撰孚一姓徐名應機膠州人是集詩十

六首附詩餘六首徐宗勉刊 以上七條據宗勉膠西鄉先生詩稿萃編

灰燼餘生草一卷 徐守鑑撰守鑑字蓮塘膠州人是編見衡園類存

西山閒吟一卷 孫廷瑗撰廷瑗字幼蓮膠州人諸生是編見探訪册

西坪詩稿一卷 宋孔昭撰孔昭字潛庵膠州人是編見探訪册

碩石齋詩集 宋紫庭撰紫庭字白石膠州人是編見探訪册

西遊草 傅文洛撰文洛字管周膠州人諸生是編見探訪册

佩韋軒詩草 王化起撰化起字基之號雲圃德谷子道光丁酉舉人是集見山左詩彙鈔

對嶽樓詩錄 孔憲彝撰憲彝字敘仲號繡山昭辰子道光丁酉舉人官內閣中書山左詩彙鈔云余聞繡山詩名者甚悉比輯此鈔始由周二南處寄到對嶽樓詩錄閱之激宕駿逸卓絕時流葉筠潭先生稱其才華發越天骨開張而情韻又復清婉真曠代軼才洵屬公論

挈雲館還鄉草一卷 孔憲彝撰刊本鎮洋盛大士序云甲午夏杪繡山以應試歸闕里適舅氏入關監試循例迴避復來淮攝往返數旬富有卷什卷中近體學漁洋五七古跌宕縱橫兼擅

荔裳秋谷諸家勝境據本書

對嶽詩續錄三卷韓齋文集三卷 孔憲彝撰筆諫堂書目云道光三十年刊

述德堂詩稟 王祐慶撰祐慶字子符福山人道光丁酉舉人歷
官建甯知縣射鷹樓詩話載是編云詩質實出於性情視世之
篇繪句飾者不拾一唾

王緘詩古文 緘字銘三號竹坡嶧縣人道光丁酉舉人官章邱
訓導縣志本傳云所著詩古文數卷藏於家

竹石山房詩草 杜受廉撰受廉字師竹堦從子道光丁酉拔貢
官渠縣知縣是集見武定詩續鈔

小西山房享帚編詩賦稿四卷 張壘撰壘榘孫道光丁酉拔貢
二編見縣志

適我集詩稿 王紹鏞撰紹鏞字聲之泗水人道光丁酉拔貢是
集見縣志

秋根書室詩六卷文八卷西行紀程一卷西征集一卷 孟傳鏞
撰傳鏞字劍農號柳橋章邱人道光丁酉拔貢官趙州州同諸
編見同邑魏廣亨鈔送事略

睡餘軒詩稿一卷 李培撰培字栽之一字雪堂齊東人道光丁
酉拔貢是編乃其孫炳炎炳耀石印本炳炎跋稱原稿已佚網
羅搜求只得二百餘首釐訂編次分爲兩卷今檢其詩實一卷
與跋載卷數不符後增培子梅山詩七十餘首標曰卷二或併
此計之爲兩卷歟培詩宗法袁枚故卷中夢遊隨園詩有生平
契合在倉山之句

聽秋館吟稿四卷吟草二卷 張煥祚撰煥祚字延甫蓬萊人道
光丁酉副貢官壁山知縣咸豐庚申髮匪困城二載卒以計破

之域得以完擢敘永同知採訪冊載二編云已刻詩清澄無渣
滓五言如枕上聞笛落月關山路秋風旅客情枕上聞雁幽夢
嗟難續歸期悔已遲七言如贈李寶田忽來好友思沾酒盡典
春衣爲買書寄郭魯堂途從窮後添詩料身到癯來入畫圖風
味似劍南

春祺堂雜吟錄 王毓琪撰毓琪字樹彤號少林海豐人道光丁
酉優貢官范縣訓導是編見武定詩續鈔

拙石山房詩草 張世僑撰世僑字菊泉膠州人是編見採訪冊

島鶴集一卷 宋恩澎撰恩澎字左海膠州人是編見採訪冊

雞肋集一卷 宋觀焯撰觀焯字幼海膠州人官禮部主事是編
見採訪冊

薛蘿菴詩草一卷 范汝晉撰汝晉字蓮溪膠州人武生是編見
採訪冊

墨雲書屋詩稿 范汝謙撰汝謙字邁千膠州人道光間歲貢是
編見採訪冊

蟲吟草一卷 高岳封撰岳封膠州人是編見採訪冊

五老吟一卷 田慎曾撰慎曾膠州人諸生是編見採訪冊

小娜嬛室詩草一卷 楊兆鵬撰兆鵬字海程膠州人是編見採
訪冊

我集焚餘一卷 遲子信撰子信膠州人是編見採訪冊

澹慮齋詩集二卷 毛鴻賓撰鴻賓有奏稿見史部詔令奏議類
是集有毛氏家藏稿本未見

王文直公遺集六卷 本 王東槐撰東槐字蔭之號次邨膠縣

人道光戊戌進士歷官湖北鹽法道咸豐二年殉難武昌諡文

直 是 集刊於光緒辛巳卷一為奏議卷二至五為雜文卷六為

古 近世通論東槐有養心齋屋稿遺稿散失其子宜勛等真家

具 在卷中其立朝位而之述猶可稽以記錄陳切政失等篇之

翁聖文渠一卷翁聖閒吟二卷 王三重撰三重字咸恪號翁墅

曹縣人道光戊戌歲貢二編見縣志

漱芳園詩草一卷 黃守平撰守平有易象集解見經部易類是

編見縣志

篆葉山房詩稿 黃鳳文撰鳳文字今涪如瑀子諸生是編見縣

志

書帶草堂詩稿四卷 周榮鈺撰榮鈺有卽墨舊聞見史部傳記

類是編見縣志

小勞文集 周榮鈺撰見採訪冊

溪東賸草 黃成涪撰成涪字元文號溪東榛孫諸生是編見續

刊卽墨詩乘

貞女吟 劉士恂撰士恂字迪九膠州人是編見採訪冊

養拙軒詩稿一卷 宋言程撰言程膠州人是編見採訪冊

蠶吟草一卷 郭振鏗撰振鏗膠州人是編見採訪冊

遊勞十詠一卷 匡錫晉撰錫晉字昇之膠州人是編見採訪冊

榆蔭堂文集 申際清撰際清有維則書屋雜志見子部小說類

是編見縣志

讀史詩一卷 張書紳撰書紳字笏山膠州人道光己亥 恩科

舉人是編見採訪冊

訟過書屋古文鈔蚤吟集 侯相芝撰相芝有南北史嘉懿錄見

史部史鈔類二編見縣志

知非軒詩草一卷 郭方屏撰方屏字仲藩膠州人是編見採訪

冊

俚言博噱一卷 宋為龍撰為龍字麥蕭膠州人歲貢是編見探

訪冊

古書齋詩集二卷 張青子撰青子字松籬膠州人是編見採冊

冊

志仁堂詩稿一卷 趙望諸撰望諸字毅夫膠州人是編見採訪

冊

憶存詩草 高湛撰湛字淨川膠州人諸生是編見採訪冊

倫言集誄壽贈言西東冷吟集 韓志傑撰志傑字健偉號秋舫

曹縣人廩貢官福山教諭諸編見縣志

潭東詩草 尹攀龍撰攀龍有易經條辨見經部易類是編見縣

志

續貂錄 萬毓盼撰毓盼字景陽崇謙孫諸生是編見縣志

我齋詩賦 甯渤撰渤字珊波甯陽人道光中歲貢縣志本傳載

是編云工詩尤長律賦刻雕鏤若錦繡

一角山房詩鈔 張際撰際字曉山吟修子諸生縣志載是編云

已佚

常惺惺齋詩二卷 吳重周撰重周字長齡號鏡秋式芬子諸生

廢通判是集見吳氏世德錄

小藤花軒詩鈔 陳枚撰枚字簡甫號琴山昌樂人道光庚子進

士歷官四川按察使鄉土志載是編云刻版行世

味菘書屋詩鈔 蔣廣紳撰廣紳蓬萊人道光庚子舉人官工部

主事是編見府志

嶗山述遊草一卷 黃念昫撰念昫有紀年見子部傳記類是編

見採訪冊

培心堂詩文集六卷 周遠昌撰遠昌字鳳卜鎔錦子道光庚子

舉人官嘉祥訓導是集見縣志

遜志齋詩鈔 李時敏撰時敏字修來號務齋德平人道光庚子

副貢是編見縣志天津周士瀚遜志堂詩序略云其平時所作

近體古排凡抒寫性靈者莫不具唐宋氣格足為後學津梁惜

先生歸道山平時手迹蕩焉無存瀚自束髮受書即蒙先生循

循善誘朝夕無倦容洵不愧為人師迨甲子春仲瀚忝宰斯土

莅任數月後訪求先生遺集均已散佚惟詩稿家存尙有若干

首亟為翻閱亦均係寫胸中之鬱積借題發揮每有慨乎其言

之者吉光片羽倍覺堪珍隨即捐俸付劂嗣氏亦藉以窺見一

斑俾人知先生生平之遭際與性情云爾

紀遊詩草 郭長清撰長清有脈訣新要見子部醫家類是編見

縣志

詩鈔 黑中孚撰中孚字虛舟德平人道光間貢縣志載是編云

已梓

柞嵐詩稿 趙乃學撰乃學培基子諸生是編見縣志

西園抱甕集 宮卜萬撰卜萬有登州府志補遺考證見史部地

理類州志載是集云已梓

一笠園詩鈔二卷 王海齡撰海齡字袖東蓬萊人官丹徒巡檢

是編見府志採訪冊云二卷刻本五言如晚坐窗缺雪來補燈

殘月轉明七言如柳絮一夜湖山春夢活六朝金粉夕陽浮學

才調集頗有風趣

柿園詩草 張南宿撰南宿字拱北膠州人諸生是編見採訪冊

方齋詩稿 張唯道撰唯道字魯庭膠州人諸生是編見採訪冊

墨源主人詩草 劉驥撰驥膠州人是編見採訪冊

隨緣齋集 董夢吉撰夢吉字香山號怡園蓬萊人道光癸卯舉

人官郟城教諭是集見採訪冊

袖雲石屋詩鈔六卷 李恩蔽撰恩蔽字程玉號笠山廷萊

子道光癸卯舉人官兵部主事是集有採訪刻本

楚中吟 匡懋綸撰懋綸字丹庭膠州人道光癸卯舉人是編見

採訪冊

之遊睡餘錄二卷 孫福海撰福海本名榮袞字補堂榮成

人道光癸卯舉人歷官興國知州是編光緒庚寅刊上卷詩二

十一首下卷文六首而以試律偶存一卷附焉

雜文二卷公牘四卷 孫福海撰校經室文集書問文介公手札

後云葆田兄弟隨侍先大夫之日淺先大夫宦後文稿率多散

佚不及收錄同治壬申癸酉間伯兄嘗手錄雜文二卷公牘四卷藏於家季弟咸又嘗手鈔塾課詩文數十首請姻丈柯佩章先生鑒定今所刻唾餘錄試律偶存是也自先大夫卒後未一年伯兄季弟相繼去世諸文稿皆收藏書笥不忍披讀庚寅秋門人陳世昌輩取葆田所輯孟志重校梓葆田因急檢先兄亡弟所錄先集敬付手民

居易書屋詩稿 張其煜撰其煜字心農號朗亭嶧縣人道光癸卯舉人官高苑教諭是編見縣志

天暢軒憶得偶存詩稿四卷 楊恩祺撰恩祺字子惠歷城人是編同治丙寅刊末附詞九闕論書危言五十則道光庚戌周樂序云如五言之放懷天地闊造語鬼神驚亂雲迷落日黃葉起秋聲知心惟有已說項更何人如七言之貧後始知生計拙興來不覺此身衰耽吟不耐十鍾字嗜酒慵窺百悔經等句奇闢橫逸入唐人室奧野注吾廬筆談載是編云七律詩草刪餘感書五律傷貧秋葉五古擬子夜歌俱佳七古詠荷花有云恥從凡卉矜顏色但許清流識性情亦別有寄託

天暢軒僅存草 楊致祺撰致祺字徵甫受廷子諸生山左詩彙鈔載是編云詩雖不多而神致翛然自饒天趣

詩草一卷 孟傳厚撰傳厚有東遊紀程見史部地理類縣志載是編云又李宏恢亭詩草附傳厚詠物詩八首

榆園稿一本 徐蒙雲撰蒙雲字瞻雲號榆園益都人道光間歲貢是編見縣志

夢餘詩草二卷 李漢京撰漢京字文川益都人諸生縣志載是編云詩皆近體多詠古之作

詩鈔一卷 劉鶴亭撰鶴亭字蘇題益都人諸生縣志載是編及李煥然序略曰詠古諸作衰貶予奪一字不苟又為之立傳稱其詩指揮如意有王者氣象非巾幗事人者比

詩鈔一卷 趙淑簡撰淑簡益都人諸生是編見縣志

黔行雜詠 臧維撰維字中州諸城人官長甯知縣聽雨樓隨筆云道光二十二年入黔買鉛有黔行雜詠紀風土質樸可喜

雙松軒詩集二卷 王之翰撰之翰字次屏號湘筠延年子道光甲辰進士授編修歷官左副都御史是集見採訪冊

杞園集十四卷 孔昭珩撰昭珩字慈佩號玉峰德平人道光甲辰進士是編見縣志德州吳華年撰墓誌云雜體等作磊落嶽崿光燄萬丈詩以超渾勝未嘗規唐摹宋而太白之雄奇少陵之真摯蓋兼而有之

愛思樓古文一卷古近體詩六卷詩餘一卷 曹尊彝撰尊彝有雜說一卷見子部雜家類諸編見鄉土志

碧桐吟館詩草一冊回春集一冊自述詩一冊野注孫毓澂撰毓澂有讀左隨筆見經部春秋類諸編皆孫氏家藏稿本詩草凡二種曰滇南吟草曰練餘雜詠回春集以春柳詩冠首故名未附都中吟毓澂就醫京師時與人唱和之作自述詩共七十

四韻其服官辦團事蹟皆自注於各句之下後有其婿洪調緯跋

跋

跋

題畫詩一卷 周相焯撰相焯有蒲城守城記見史部雜史類是

編見採訪冊

耐軒詩草 裴岱峰撰岱峰有筆花醫鏡注解見子部醫家類是

編見縣志

仍可軒詩鈔 朱廷相撰廷相字綸伯號墨莊晚子道光甲辰副

貢山左詩彙鈔載是編及之眾王子符祐慶序云綸伯詩清奇

生刻極見撰力不容一字支吾更不廁一語凡近雖寥寥無多

而良工心苦猶覺唐賢機杼散在人間

虛白齋詩草 蓋鏡撰鏡字饒洲歷城人諸生是編見山左詩彙

鈔

客窗夜雨集 郭繼周撰繼周字夢樓歷城人是集見山左詩彙

鈔

五星硯齋詩文存 翟齊撰齊有五經蒙拾見經部五經總義類

是編見孫葆田翟氏家集序

筆峯課餘草 楊春宴撰春宴字曲江掖縣人歲貢是編見山左

詩彙鈔

慎學塾適意草 王東治撰東治字伯甫號星客掖縣人歲貢是

編見山左詩彙鈔

雲峰草 王仲英撰仲英字聖育掖縣人是編見山左詩彙鈔

芙蓉館詩集 宋蘭芳撰蘭芳字木舟樂安人諸生山左詩彙鈔

載是集云木舟詩由安邱同年劉莊年觀察處奇來謂詩多可

存閱之古雅高逸與柯佩章之詩清刻奇峭分道揚鑣而各擅

其勝宜二人之投契靡間也

疊翠山房稿 李駿邁撰駿邁字逸卿湘蔡子童年因痘失明是

編見山左詩彙鈔

南遊草南山草 董根茂撰根茂字遂林昌樂人念堂詩話載二

編云五言疎桐斜受月密柳細吟風明河低遠樹涼月入高樓

七言如天空一鶴盤雲上江淨雙峰照水明漁舟晒網圍江市

番舶乘潮入海門俱佳

春鷗集四卷 王煇撰煇字晚初熾弟道光間歲貢是編見縣志

指測集詩稿一卷 張樞撰樞字拙農益都人諸生縣志載是編

云古體近體詩共七十篇皆清麗可傳蓋由王孟門徑以上窺

靖節者也

淡如菊齋詩稿二卷增錄文二首 黃恩雷撰恩雷字竹泉恩形

之兄道光乙巳進士四川候補知縣是編光緒間石印本恩形

識語云先昆明府竹泉府君少喜為詩知名齊魯間每與名流

相唱和顧不自收拾脫稿往往為同人攜去是以存者無多今

於敵篋中檢得詩草一卷乃府君手自錄者洵吉光片羽也乃

命長孫力田照錄原本第為上下二卷據本書

片雲小草一卷 黃恩燾撰石印本闕里孔昭錕序云懷古紀事

諸作批卻導窾石破天驚又能絃外有音筆外有神一唱三歎

而法戒昭然讞局呈友數章體天地好生之心本哀矜勿喜之

意纏綿悱惻發為詩歌三百篇之宗旨復見今日據本書

中詩卷

觚園詩一卷 王殿麟撰殿麟字伯鑾號驪南費縣人道光乙巳

進士歷官廣西宣化知縣是編見縣志

澗蘭軒稿敦德堂文集 密雲路撰雲路字仙坡蘭山人道光乙巳

已進士歷官金華知府二編見本傳

鳳翔紀事詩存一卷 張兆棟撰兆棟有守岐彙紀見史部雜史

類是編光緒戊寅刊凡七律三十首兆棟自記云壬戌夏余攝

篆鳳翔未及三月而回逆之變作晝夜籌防衣不解帶者十有

五月軍書之暇輒以吟詠自遣歷時既久彙集成帙事後汰其

冗複留存若干首非期問世聊以紀當日之事實云爾據本書

守岐公牘彙存一卷 張兆棟撰戊寅刊長善序云公輯前守鳳

翔稟請上游諸文書彙為一册名以守岐公牘出示余報國之

忱流露楮上余與公同官最久相得極洽見其遇事鎮靜兀然

不動余欽之服之今展是編猶想見其身金戈鐵馬中盾墨

淋漓指揮如意時也據本書

雪崖詩草二卷 徐岱薰撰岱薰字南墅號拙山益都人道光乙巳

恩貢授掖縣教諭不赴是編見縣志

南窗閒吟 范沛照撰沛照字文西號曉樓即墨人道光乙巳

恩貢採訪冊載是編云刻在范氏家藏

無我相齋詩選四卷 何鄰泉撰鄰泉字岱麓號萃野歷城人是

編道光乙巳刊周樂序云山右劉樵坡庶常僑居濼濱見岱麓

詩而嗜之擬為刊以問世屬余選定余不辭為節存若干首其

詩皆近體而古作闕如不能彊為其不能以精其所能也岱麓

又以其餘力工隸書世稱之或過於其詩則亦非知岱麓者也

據本書

遺詩一册 朱誦泗撰誦泗字退旂歷城人歲貢是編見山左詩

彙鈔

戊申詩草 范正鏗撰正鏗有范氏家世紀見史部傳記類是編

見採訪冊

楊逢鑾詩文稿 逢鑾字瀛坡甯海人道光丙午舉人是編見採

訪冊

鏡心齋詩文稿 趙杰撰杰字子英號脫漁利津人道光丙午

恩貢是編見縣志

思廬堂續稿 李鶴年撰鶴年棲霞人道光丙午 恩貢是編乃

其文集見縣志

祝喜堂詩集二卷 張燕彤撰燕彤字子昭夢蘭孫 恩貢官費

縣訓導曹南文獻錄載是集云張氏家藏稿本又列傳云燕彤

幼好杜白二家詩嘗隨祖遊閩浙得江山之助

方洲詩草 鄭嶼撰嶼字方洲雲龍子是編見山左詩彙鈔

三友書屋詩文稿 王蓋臣撰蓋臣掖縣人是編見縣志

華亭詩集 韓鼎元撰鼎元掖縣人是編見縣志

姚氏詩文稿十册 姚體備撰體備字誠叔號秋圃鉅野人

道光丁未進士歷官徽甯池太廣道卒贈光祿寺卿是編有鈔

送本文四册詩六册

匪莪草一卷 姚體備撰曹南文獻錄載之云姚氏家藏稿本

荔山詩鈔八卷附南浮日記一卷姚體休撰體休字逸軒

號荔山體備弟諸生咸豐八年禦賊於金鄉孟家鋪力戰死

賞雲騎尉是編亦鈔送本

聽雨山房詩集二卷姚體儼撰體儼號西樓體備之兄道

光乙巳進士官東昌教授是集有鈔送本

循廬詩草姚體儼撰體儼體備弟廩貢官嚴州同知是編

亦鈔送本

倦遊菴文集二卷詩集二卷 周悅讓撰悅讓有經通見經部五

經總義類二集見採訪册

楚俗雜詠一卷 郭種德撰種德字邁菴恩縣人道光丁未進士

歷官嘉魚知縣是編見縣志

馬端敏公奏議八卷 馬新貽撰新貽字毅山號燕門荷澤人道

光丁未進士歷官兩江總督贈太子太保諡端敏曹南文獻錄

載是編云光緒二十年刻本

水西文集 田北澣撰北澣字水西樂安人道光丁未歲貢縣志

載是集云生平所為文甚富惜多散佚今存者才數十篇

浮生集 張奉舉撰奉舉字伯若志倫從子道光戊申歲貢官博

平訓導為文工駢體是集見縣志

秋聲齋稿 崔崧瀛撰崧瀛字斗南掖縣人諸生是編見山左詩

彙鈔

華不注山房詩 孫蘭枝撰蘭枝字香雨縣城人諸生是編見山

左詩彙鈔

雲槐軒詩草 黃守怡撰守怡字昆和即墨人諸生是編有黃氏

鈔册

晴雪梅花軒遺稿 黃守愨撰守愨有庸言思義見子部儒家類

是編有黃氏鈔册

藤蘿广雜詠 黃念瀛撰念瀛字友石號仙洲即墨人是編有黃

氏鈔册

子武詩鈔一册 王繩曾撰繩曾字子武濱州人增貢官魚臺訓

導武定詩續鈔載是編云各體俱佳而七古尤為擅長沈鬱頓

挫健筆縱橫時露奇氣是寢饋古大家而深造有得者

怡齋詩存 趙華琳撰華琳字潤山掖縣人道光己酉舉人官知

縣是編見縣志

百里囊中集一册侯功震撰功震有痘疹大成見子部醫

家類是編刊本首長短句次詩次雜文雜文中又間以北曲編

次頗凌雜無序末又附傳奇四齣託名公萬里蓋自寫其牢騷

也詞有豪氣而造語未工詩文亦皆率意之作

遼遊草 黃肇燿撰肇燿號陟雲即墨人道光己酉拔貢歷官青

州府教授是編有黃氏鈔册

十三經閣詩錄 孔憲庚撰憲庚字叔和號經之憲彝弟道光己

酉拔貢鎮洋盛大士序略云其述懷感遇思親憶兄即事寫情

撫今追昔沈思孤往託興遙深或為清商激楚之音或為慷慨

悲歌之作皆得詩人之真性情而不僅襲其面目况經之英年

力學鏗而不舍更有進而益上者奈何能量其所到哉據不全

王鈇山房詩稿 王裕垣撰裕垣字星門濱州人歲貢是編見武

定詩續鈔

桐園詩草一卷 王佩坪撰佩坪字穀垣榮成人諸生府志載是

集云詩意清真而少蘊藉

遺餘草二册 鞠方升撰方升字耐園榮成人諸生府志載是集

云間有俚調而頗具真意

農菴集一卷 宋允和撰允和字繼正文登人諸生府志載是集

云文有生氣其記序體尤古質唯序事多書月日而不著年或

但紀甲子使觀者莫稽其時世此則擬古之失也韓昌黎平淮

西碑文實爲此體後人以尙書召誥多士爲解不知二篇與洛

誥作於一時而洛誥篇大書惟七年則二篇皆因明白此古文

之密非後人所得藉口也 按允和又有澹遠山房文集亦見

府志

碧桃書屋詩集一卷清雅堂詩草一卷 趙芬撰芬字馨若黃縣

人採訪册云詩凡二百六十首王懿榮序

邊草一卷 王素民撰素民萊陽人此其出塞時道中作也見採

訪册

小琅邪郡文草一卷詩草二十七卷 王具民撰具民有歷代書

譜見子部藝術類二集見採訪册

詩鈔一卷 左衷焯撰衷焯字雪厓萊陽人諸生是編見採訪册

左廣澄詩集 廣澄字秋潭萊陽人廩貢官惠民訓導集見府志

採訪册作亦廬詩鈔又愁齋詩話云萊陽左廣澄虎岩學博詩

筆清和朗潤著有樵溪叢話鏤版以行於世 按樵溪叢話不

審爲說部書抑其詩集之名俟考

三餘書屋詩草一册 郭起隆撰起隆號南廬濰縣人監生

是編同治間刊李圖序云南廬上舍兼工書畫故詩之題畫者

頗多其詩以清逸爲宗而體物瀏亮不尙縟浮又昌邑張芸臺

跋云南廬閉門卻掃絕意進取以筆墨自娛樂觀其偶成云浮

生名利兩無求心似閒雲迹似鷗終歲看花偏愛菊一生見月

輒登樓可以見其志矣可以知其品矣據本書 案芸臺序又

舉其五言二聯云牛城懸落日一鳥破寒煙詩敲鐘定後酒酌

月來初亦楚楚有致也

漪上亭詩二卷白狼河西亭詩四卷 郭慶撰慶有兩漢北海郡

國縣摘案見史部地理類二編見採訪册鄉土志作襄瓠老人

詩集度鄉土志所載者爲集之總名採訪册所載則其分目也

又榆園雜錄稱慶有楊峽別墅集并載其集中貧交引贈韓息

舟一首乃長篇轉韻七古頗極抑塞磊落之觀

南陽廬存稿 翟熙敬撰熙敬字緝齋號仙芝齊子早卒是編見

孫葆田翟氏家集序

慎履堂詩草一卷 程翼朱撰翼朱字子範蔚占子諸生精琴理

咸豐辛酉勦捻匪陣亡是編見續修縣志稿

醉琴詩 道士李醉琴撰醉琴歷城人諸生後棄家爲道士續修

縣志稿仙釋本傳云所作詩流利穩口無俗氣歿後其徒印雪

絳雲軒詩稿 胡靜淑撰靜淑章邱人同邑彭燦妻縣志列女載

是編云通書史工吟詠歸諸生彭燦倡和之作詞多清麗年三

十燦沒白燕黃鵠每託哀音

寒清詩草 馬氏撰馬氏章邱劉振鏞母是編見繡水詩鈔

怡梅詩存 張琳撰琳字怡梅濱州人同邑王繩曾妻是編見武

定詩續鈔

妙香閣詩稿 盧介祺撰介祺號蒼洲德州人見曾女孫章邱焦

家麟妻是集見閨秀正始續集

竹韻軒詩草 焦學漪撰學漪字吟雅家麟長女是集見閨秀正

始續集

康澄詩稿 澄字靜如江南人濟南賈生妻買春詩話云陳子永

修從余學與賈生稔嘗從賈處得康近稿鈔以質余其春日寄

懷顧敬貞表妹彭城云料得江南詩興好數番風雨釀花天春

日雜吟云丁香一樹開如雪戲數何枝是舊枝楚楚有致

紅葉書屋詩稿一卷 楊慎微撰慎微膠州紀鳳詔妻是集見採

訪册

香雪吟館詩草一册 王化醅撰化醅字縕之德容子乃是編

手彙其庚申五十四日通云兵戈見憤常事忠厚交深三兩入

歌十二首意在於正人心變俗經緯比調深婉語人忠厚性中

題梅濫存一册 王化醅撰化醅善畫梅此編皆其題畫之作七

賡夫詩草 吳瀛洲撰瀛洲有學庸指掌見經部四書類是編見

縣志

半是齋詩草二卷 王六謙撰六謙有續兵事紀年見子部兵家

類探訪册載是編見其子葆崇固有草堂擬古跋云半是齋詩

先大人遺作也自丙辰以至辛未凡十有六年集凡四百餘首

而先大人嘔盡心血竟以辛未之三月棄養崇懼遺作之散佚

也亟手錄之質於族兄少楚少楚為選八十八首而謂崇曰詩

貴工不貴多也崇又手錄選本意欲付之剞劂當是時鄉先生

有謂崇曰半是齋詩性情正吐屬真悱惻纏綿之致令人絀繹

不盡洵可謂獨闢町畦以存其是者

詩草一卷 趙益齋撰益齋字一鶴號應谷山人益都人咸豐間

歲貢是編見縣志

詩稿一卷 張汝翼撰汝翼字星南益都人咸豐間歲貢縣志載

是編云生平作詩甚多不自收拾多為人攜去近采得詩十餘

首

草蟲吟秋二卷 李維藩撰維藩有讀書偶記見子部雜家類縣

志載是編云歷敘各朝名人附以烈女

詩鈔六卷 楊演撰演有趨庭錄見史部傳記類是編見縣志

綠樹堂文集一卷詩集一卷 任太階撰太階有經義微談見經

部五經總義類縣志載二集云文二十餘篇詩六十餘首

貽園詩鈔 袁宗治撰宗治字仁溥號理庭曹縣人諸生成豐辛

亥舉孝廉方正官林廟守衛司百戶是編見縣志

亞祿山房詩稿 林牟貽撰牟貽字次來樹震孫咸豐辛亥舉人

歷官赤城知縣兼獨石口同知是編見縣志

春樵詩選一卷 房洪恩撰洪恩字晉三臨清人山左詩彙鈔載

其集作五經庫詩草此本刊於咸豐辛亥署此名張繼瀨序云

詩體冲澹和平學王右丞瘦峭處尤似孟東野而胸襟灑落探

喉而出得力於白太傅者居多據本書

十草軒詩集一卷 趙郇撰郇字兩田歷城人山左詩彙鈔

載其集作游秦詩草此集乃鈔本卷端署此名山左詩彙鈔錄

郇詩凡五首惟庚辰人日大梁自壽一首此集不載餘皆見集

中而題目及詩中字句則不無差殊其峭函阻雪夜晴小飲此

集則作洛陽阻雪而別有峭函阻雨七律一首登西嶽此集作

五里關詩中泉飛絕澗千重瀑花落前峯十丈蓮一連此集則

作霞添山色上方樹風掃嵐光十丈蓮登落雁峰詩三四兩句

乾坤俯一氣日月跳雙丸此集作乾坤一院字日月兩彈丸後

四句亦不同省故里此集作抵閭詩第四句觀風全作葛懷民

此集作忘情便是葛懷民五句宗祠昭穆聯逾肅此集聯逾肅

作肅而敬度于所見遊秦詩草乃後改定本此集則其初稟也

晚香堂吟草一卷 趙郇撰郇字魯田郇弟監生精醫術是

編亦鈔本

柳門詩鈔 甯廉撰廉字介堂號柳門甯陽人諸生是編見縣志

詩草二卷 丁涓撰涓字靜齋益都人是編見縣志

詩草二本 劉桐芳撰桐芳字梧軒益都人是編見縣志

詩鈔二卷 鍾楷撰楷字玉山益都人是編見縣志

永言集 孫格撰格字行知濮州人諸生有孝行是集見州志按

格有孝經說經部孝經類失載補識於此

來青館詩鈔二冊 李慶翱撰慶翱字小湘歷城人咸豐壬

子進士歷官河南巡撫

多鄉明生世僧悉崇佛道

摩工於鍊字天得一運氣尤佳

部亭詩稿一卷 孫楫撰楫字駕航濟甯人咸豐壬子進士

歷官順天府尹是編所刊乃庚辰至辛卯十二年中之作

養志堂詩文集 徐河清撰河清原名鑽字華冶又字華野號萌

泉昌邑人咸豐壬子進士歷官貴東兵備道是集見本傳

鷲粟齋詩一卷賦一卷 李茂實撰茂實字漢臣又字欽園高密

人咸豐壬子舉人是編見縣志

松山詩稿 朱賜田撰賜田字松山歷城人咸豐壬子舉人是集

見黃氏詩續鈔

長康廬文章一卷 黃肇頤撰肇頤有濟陽節孝錄見史部傳記

類是編見採訪冊

箱山詩稿 黃守緝撰守緝字軼鄰卽墨人 恩貢是編見縣志

玉壺館賦文鈔 翟魏珍撰魏珍字朗卿號玉峰掖縣人咸豐壬

子 恩貢是編見家常語選鈔

燼餘詩存一卷枝棲吟一卷豆籬蟲吟三卷杜義榮撰杜義榮撰義

榮號桐軒又號寄軒晚號安寓子鄒縣人咸豐壬子副貢諸

皆義榮甥濟甯孫維壁所藏義榮詩維壁謂其早年學王孟中

年學杜晚年又近放翁

邀月軒賦草 邵元輔撰元輔號玉坡費縣人咸豐壬子副貢是

編見縣志

漱泉山館詩草 張敦恆撰敦恆字繡常黃縣人諸生縣志載是

編云詞旨溫柔敦厚

葛石山房詩續鈔 張時斌撰時斌字頌士甯陽人咸豐間廩貢

是編見縣志

園詩草 黃錫銘撰錫銘原名守宸字新三號湘佩即墨人諸

生是編見黃氏詩鈔再續集

侍顏樓詩草 黃肇顛撰肇顛字仲嚴號儀山即墨人貢生是編

有黃氏鈔冊

吾廬吟草本 黃肇顛撰肇顛有志稿識小見史部地理類是

編共詩四十四首鈔本

曲徒粗議十六策 孫如僅撰如僅字亦何號松坪濟甯人咸豐

癸丑進士歷官內閣學士本傳云歷督陝甘江蘇學政在陝甘

時值陝西逆匪猖獗如僅關懷大局每與兩省大吏密籌防禦

之策按臨所至接見郡守邑宰諄諄以修城垣備軍械儲米粟

為戒著有曲徒粗議十六策大學士左宗棠勦匪時訪得其稟

多所采用

湖山草堂詩稿 梁洽撰洽有五經摘要見經部五經總義類是

編見縣志

迂菴文集二卷 朱世楚撰世楚字子翹曹縣人歲貢曹南文獻

錄載是集云朱氏家藏稿本縣志本傳云今讀其敦本堂記念

先樓記知其祖武箕裘簪纓累世有明以來望族也觀志士論

愛民說知其襟期之高抱負之宏如范文正公作秀才時便以

天下為己任也其大有功名教者如儒不佞佛論佛鷺名利論

理學禍宋東林禍明辨尊朱駁朱說皆闢異端崇聖教為紫陽

功臣而正非筆下千言渺無實用也

拾遺草文集一卷拾遺草詩集一卷 周翕鏞撰翕鏞有明臣奏

議見史部詔令奏議類二編見採訪冊

詩稿二冊 周毓楮撰毓楮字端圖單縣人官聊城校官曹南文

獻錄載是編云同治辛未聊城葉錫慶序

味蔗軒詩草 張權初撰權初字平齋觀城人諸生官蓬萊訓導

是編見曹南文獻錄

東村詩稿一卷 馬允謙撰允謙字信亭城武人歲貢是編見曹

南文獻錄

蔭白堂詩集十六卷 劉擴之撰擴之字北庭單縣人歲貢曹南

文獻錄載是集云劉氏家藏稿本

芝園集 李柰撰柰字品珍曹縣人附貢縣志本傳云咸豐甲寅

閏七月芝生園中因手著芝園集

兩泉詩草 嚴書泰撰書泰字兩泉歷城人佐臨清知州張積功

幕咸豐甲寅城陷殉難是編見本傳

種蕉軒文鈔二卷 田名撰撰名撰有東鄒隨筆見子部儒家類是編見鄉土志

芷香詩文存 柳文沅撰文沅字荆川號芷香歷城人咸豐乙卯

舉人官壽光教諭是編見本傳

綠筠山房詩 王貴農撰貴農字嵩陽樂陵人咸豐乙卯優貢候

選訓導是集見武定詩續鈔

趙月槎詩 趙星海撰星海字月槎萊陽人諸生何家琪天根文

鈔趙月槎詩序云予嘗鈔同人詩存月槎五律若干首甚肖杜

夫以月槎身杜之境奉杜詩窮且死詩之肖杜固宜特惜其解

杜之全稿不傳耳濟南知月槎者朱君澹菴宮君子行而遺詩

獨藏于余家數篇魂魄所在予每低徊其生死之故與著述

之心不忍使後世無傳遂以其詩付梓焉

衣德堂詩稿摘鈔一卷 錄本 黃寶書撰寶書字東情恩齋子諸

生其詩原稿分上下二卷其從子力田摘錄為是編凡古近體

九十餘首石印本中多田園寄興之作五言頗饒逸趣

絮言四卷 冷寶旭撰寶旭自號向陽子益都人諸生縣志載是

編云案此集詩文叢雜未經分晰詩不甚佳文頗有思致考據

非其所長書內淄水考天齊淵有婦人焉解皆未的當

雪爪集十二卷 時鴻章撰鴻章有飽學階見子部類書類縣志

云雪爪集係古近體詩

海山詩草十卷 韓寶鴻撰寶鴻字少文福山人咸豐丙辰進士

是集見採訪冊

縵耕齋詩鈔一卷 張興留撰興留有鏡吾錄見子部雜家類是

編乃宣統間石印本光緒甲午梅啟照序云刻骨鏤心神與古

會卽一時道途紀遊之作亦語語皆自錘鍊而出窺其瓣香所

在殆由玉局以摩浣花之壘者據本書 錄本 中卷中卷中

自設稿題

遊盤山詩一冊 錄本 孫毓汶撰毓汶字萊山濟甯人咸豐丙辰

進士歷官兵部尚書軍機大臣卒諡文恪是編乃孫氏家藏稿

本 詩言五言古凡十首詞五首賦一首書二首則遊盤山閣答友

人見贈之作筆勢奔騰如洪河出

運菴集杜詩一卷 孫毓汶撰有家刊本又思歸讀廬叢書本徐

彥寬識語云萊山尚書集杜詩一卷辛亥客魯從其族子某君

段錄諸詩道健工整殊不愧作者之林又辭頗隱約有指實兼

國故史料之資彌足珍視惜無人壹為作鄭箋耳

張農部雜著一卷 張樹甲撰樹甲文登人咸豐丙辰進士官戶

部主事是編見府志

研田傭農詩稿 杜申錫撰申錫字及甫晚號傭農黃縣人咸豐

丙辰歲貢是編見縣志

存誠堂詩稿 李正暄撰正暄甯海人咸豐間歲貢是編見府志

聽竹軒詩草 柳湘撰湘字海子諸生是編見府志

舊園集四卷 沈葆徵撰葆徵字璞人號心榮歷城人咸豐戊午

舉人官范縣訓導是集有沈氏家藏稿本初名鷗波後改此名

按探源自如其味外形影跡一詩尤能談義之趣

漾月亭詩一卷 任摺書撰摺書高密人是編見採訪册

隨緣詩草初集二卷 本 趙慶恬撰慶恬字引甫濟南人是集

咸豐問刊 詩多近體平凡無格調其古體歌吟風韻雨蕭

以約齋詩文稿六卷 蕭衡撰衡字麗璇歷城人廩貢歷官昌邑

校官是編衡子樹昇云有家藏稿本

二琴居士小集 王象瑜撰象瑜字玉軒號蓮舟又自號二琴居

士濰縣人咸豐己未進士是集見採訪册

魯經齊諧山館文集桐蔭軒詩賦鈔 李慶翔撰慶翔字石瑚慶

翱從弟咸豐己未舉人選授德安知縣二集均藏於家見本傳

養吾真齋詩稿 王肇賜撰肇賜字子庵費縣人歷官景德鎮同

知是編見本傳

牛翰西詩文集 牛林撰林字翰西沂水人潤州章炳蘭無盡藏

齋文集有牛翰西詩文集序

紫桂仙館遺稿二卷 本 林樹梅撰樹梅字庚春濟甯人諸生

是集有採訪刊本

荷浦詩鈔十二卷外集六卷文略二卷 李百盈撰百盈字豐玉

城武人歲貢曹南文獻錄書目載諸編云李氏家藏稿本又列

傳百盈傳云弱冠以詩名受業於其家稻坡崗雲兩先生又與

楊紫峰田我南諸詞伯晨夕切磨詩日益工中年南遊由皖江

而金陵而姑蘇而甌越甲六朝之廢墟探三吳之遺蹟低徊感

慨得江山之助故其詩綿邈功緻為咸同間曹南詩人之領袖

焉 案百盈傳又云有明名臣事略十六卷南行錄二卷史部

傳記類失載補載於此

儲雲館詩草 張恩煦撰恩煦福山人咸豐庚申進士歷官樂亭

知縣是編見府志

機槍集 李甲東撰甲東字乙峯鄒平人貢生縣志本傳云咸同

間洪楊倡亂狡黠之徒響應風從甲東感懷時事目擊心傷自

辛酉迄丁卯著有詩文若干鈔訂成帙題曰機槍集存於家

寄興草二卷 馬雲適撰雲適有晚香隨筆見子部雜家類是編

見校經室文集

倚郭草堂文集一卷 王稷撰稷字少緯號稻村歷城人諸生官

登州教授續修縣志稿載是編云採訪鈔本

瓣香齋詩鈔十二卷 王明萼撰明萼字棣軒甯海人咸豐辛酉

舉人歷官光祿寺署正福山于宗潼云有是編又云明萼遍遊

大江南北山水故其詩雖才力稍薄而時露清氣

古體雜詠 孫希适撰希适有四書典核類聯見經部四書類是

編見縣志

濫竿集三卷 徐本榮撰本榮字樹堂性好菊自號菊潭主人曹

縣人咸豐辛酉拔貢曹南文獻錄本榮傳云好為詩晚年又豪

於酒嘗謂詩思酒興不可一日不往來胸中故奇篇佳句多於

醉後得之著濫竿集三卷凡古今體詩一千又九十九首

古芳齋詩稿 劉寶鼎撰寶鼎字星三平原人咸豐辛酉拔貢官

費縣教諭是編見本傳